

## **BAB V**

### **KACINDEKAN JEUNG RÉKOMÉDASI**

#### **5.1 Kacindekan**

Dumasar kana hasil analisis data ngeunaan Modél *Picture Word Inductive* dina pangajaran nulis warta, dicindekkeun saperti dihandap ieu.

- a. Kamampuh nulis warta siswa kelas VIII-G SMP Negeri 3 Ciamis Taun Ajar 2018/2019 saméméh ngagunakeun Modél *Picture Word Inductive*, rata-rata peunteuna 61,51 kagolong kana katégori hadé tina skala peunteun 51-75. Dumasar kana kritéria aspék nulis warta, di antarana: jejer, unsur 5W+1H, struktur panulisan warta, kaéfektifan kalimah, éjahan jeung diksi. Kamampuh nulis warta siswa kawilang kurang kénéh ditilik tina unggal aspék, anu ngawengku; aspék jejer rata-ratana 11,03 tina skor maksimal 20 *point* katégori cukup. Dina aspék unsur 5W+1H, rata-ratana 20,2 tina skor maksimal 30 *point* katégori cukup. Dina aspék struktur panulisan warta, rata-ratana 12,84 tina skor maksimal 20 *point* katégori cukup. Dina aspék kaéfektifan kalimah, rata-ratana 5,4 tina skor maksimal 10 *point* katégori hadé. Dina aspék éjahan jeung diksi, rata-ratana 11,87 tina skor maksimal 20 *point* katégori cukup.
- b. Kamampuh nulis warta siswa kelas VIII-G SMP Negeri 3 Ciamis taun ajar 2018/2019 sanggeus ngagunakeun Modél *Picture Word Inductive*, rata-rata peunteuna 83,06 kagolong kana katégori hadé pisan tina skala peunteun 76-100. Ieu hal dumasar kana kritéria aspék nulis warta di antarana: jejer warta, unsur 5W+1H, struktur panulisan warta, kaéfektifan kalimah, éjahan jeung diksi. Kamampuh nulis warta kawilang hadé pisan ditilik tina unggal aspék nyaéta aspék jejer rata-ratana 17,5 tina skor maksimal 20 *point* katégori hadé, dina aspék unsur 5W+1H rata-ratana 28,3 *tina skor maksimal 30 point* katégori hadé pisan, dina aspék struktur

panulisan warta rata-ratana 15,54 tina skor maksimal 20 *point* katégori hadé, dina aspék kaéféktifan kalimah rata-rattana 7,30 tina skor maksimal 10 *point* katégori hadé, dina aspék éjahan jeung diksi rata-ratana 14,48 tina skor maksimal 20 *point* katégori hadé.

- c. Aya bédá anu signifikan antara kamampuh nulis warta siswa kelas VIII-G di SMP Negeri 3 Ciamis Taun Ajar 2018/2019 saméméh jeung sanggeus ngagunakeun Modél *Picture Word Inductive* tina hasil uji normalitas jeung uji hipotésis. Dumasar uji statistik (Sig.2-tailed) nyaéta ( $0,000 \leq 0,05$ ). Ku kituna,  $H_1$  ditarima atawa  $H_0$  ditolak, hartina aya bédá anu signifikan antara kamampuh nulis warta siswa kelas VIII-G SMP Negeri 3 Ciamis Taun Ajar 2018/2019 saméméh jeung sanggeus ngagunakeun Modél *Picture Word Inductive*. Jadi ieu modél téh bisa éféktif pikeun ngaronjatkeun kamampuh nulis warta.

## 5.2 Rékoméndasi

Dumasar kana kacindekkan di luhur, ku kituna diébréhkeun sababaraha rékoméndasi, di antarana:

- a. Modél *Picture Word Inductive* bisa ngaronjatkeun kamampuh nulis warta. Ku kituna Modél *Picture Word Inductive* bisa jadi salahsiji alternatif pikeun guru dina kagiatan diajar ngajar nulis warta.
- b. dina lumangsungna panalungtikan ngagunakeun Modél *Picture Word Inductive*, aya sawatara hal anu kudu perhatikan, di antarana; guru kudu maham kana léngkah-léngkah Modél *Picture Word Inductive*, guru kudu parigel dina ngarahkeun siswa, kudu bisa nyipta suasana kelas anu ngirut perhatian siswa jeung bisa ngatur waktu.
- c. dipiharep ayana panalungtikan Modél *Picture Word Inductive* bisa ngaronjatkeun pangajaran séjén saperti pangajaran nulis carpon, nulis sajak, nulis pangalaman pribadi jst.